

ДОГМАТИКИ ВОСЬМИ ГЛАСОВ

Глас первый

Всемирную славу / от человек прозябшую / и Владыку рождшую, / небесную дверь, воспойм Марию Деву, / бесплотных песнь и верных удобрение; / Сия бо явися небо и храм Божества; / Сия преграждение вражды разрушивши, / мир введе и Царствие отверзе. / Сию убо имуще веры утверждение, / поборника имамы из Нея рождшагося Господа. / Дерзайте убо, дерзайте, людие Божии: / ибо Той победит враги, // яко всемогущ.

Глас второй

Прейде сень законная, / благодати пришедши; / якоже бо купина не сгараше, опаляема, / тако Дева родила еси, / и дева пребыла еси. / Вместо столпа огненного / праведное возсия Солнце; / вместо Моисея — Христос, // спасение душ наших.

Глас третий

Како не дивимся / Богомужному рождеству Твоему, Пречестная? / Испытания бо мужескаго не приемши, Всенепорочная, / родила еси без отца Сына плотию, / прежде век от Отца рожденного без матери, / никакоже претерпевшего изменения или смешения, или деления, / но обою существу свойство цело сохраняшаго. / Темже, Мати Дево Владычице, / Того моли спастися душам // православно Богородицу исповедующих Тя.

Глас четвёртый

Иже Тебѣ ради богоотец пророк Давид / пѣсенно
о Тебѣ провозгласи / величия Тебѣ Сотворшему: /
предста Царица одесную Тебѣ. / Тя бо, Матерь,
ходатаицу живота показá / без отца из Тебѣ вчело-
вѣчится благоволивый Бог; / да Свой паки обно-
вит образ, истлѣвший страстьми, / и заблуждшее
горохщное обрет овча, / на рамо восприим, ко
Отцу принесет, / и Своему хотению / с Небесными
совокупит Силами, / и спасет, Богородице, мир //
Христос, имеяй велию и богатую милость.

Глас пятый

В Чермнем мори / Неискусобрачныя Невѣсты
образ написáся иногда: / тамо Моисей — раздели-
тель воды, / здѣ же Гавриил — служитель чудесе. /
Тогда глубину шествова немокренно Израиль, /
ныне же Христа роди безсеменно Дева. / Море по
прошествии Израилеве пребысть непроходно, /
Непорочная по рождестве Еммануилеве пребысть
нетленна. / Сый и Прѣжде Сый, / явлейся яко
человек, // Боже, помилуй нас.

Глас шестый

Кто Тебѣ не ублажит, Пресвятая Дево? / Кто ли
не воспоет Твоего пречистаго рождества? /
Безлетно бо от Отца возсиявый Сын Единородный, /
Тойже от Тебѣ чистыя пройде, / неизреченно
воплощся; / естеством Бог сый, / и естеством быв
человек нас ради, / не во двою лицу разделяемый, /
но во двою естеству неслитно познаваемый. / Того
моли, Чистая, Всеблаженная, // помилуватися ду-
шам нашим.

Глас седьмый

Мáти úбо познáлася есѣ / пáче естества,
Богорóдице, / пребылá же есѣ Дéва / пáче слóва и
рáзума, / и чудесé рождествá Твоегó сказáти язýк
не мóжет. / Преслáвну бо сýщу зачáтию, Чѣстая, /
непостѣжен ёсть óбраз рождénия: / идеже бо хóщет
Бóг, побеждаётся естества чѣн. / Тёмже Тѣ всѣ
Мáтерь Бóжию вѣдуще, / мóлим Тѣ сѣ прилѣжно: //
моли́ спастѣся душáм нáшим.

Глас осмый

Цáрь Небѣсный за человеколýбие на земли
явѣся / и с человеки поживѣ; / от Дéвы бо чѣстыя
плóть приёмый / и из Неѣ прошѣдый с
восприятѣем, / едѣн ёсть Сýн, сугýб естеством, /
но не ипостáсию. / Тёмже совершенна Тогó Бóга /
и совершенна человека воѣстинну проповѣдающе, /
исповѣдуем Христá Бóга нáшего; / Егóже моли́,
Мáти Безневѣстная, / помѣловатѣся душáм нáшим.